



Naalakkersuisut Siulittaasuata tullia
Viceformand af Naalakkersuisut

Inatsisartuni ilaasortaq

Kim Kielsen

/Maani

§ 36, imm. 1 naapertorlugu apeqqummut nr. 2010-26-mut akissuteqaat

Asasara Kim Kielsen,

Inissiat nutaanerusut siunissamilu inissialiassat pillugit apeqqutinnut qujavunga, taakkulu imatut oqaasertaqarput:

Apeqqut 1. Ukiuni kingullelni arfinilinni Nuummi inissiat qassit pilersinneqarnikuuppat – uani eqqarsaatigineqarput inissiat Namminersorlutik Oqartussanit attartorluni napparneqarsimasut?

Akissut: Takussutissiani matuma kingulianiittuni inissiat sananeqarsimasut amerlassusaat takuneqarsinnaapput.

22. marts 2010
Sagsnr. 2010-027334
Dok. Nr. 335492

Postboks 909
3900 Nuuk
Tlf. (+299) 34 50 00
Fax (+299) 34 54 10
E-mail: iaan@nanoq.gl
www.nanoq.gl

Takuss. 3 Inissiat amerlissutaasut kommuninut, illoqarfinnut aamma nunaqarfinnut agguarlugit 2004-2008

	Illoqarfik					Nunaqarfik				
	2004	2005	2006	2007	2008	2004	2005	2006	2007	2008
Katillugit	217	188	198	334	351	15	8	37	47	13
Nanortalik	8	-	-	5	3	2	-	-	7	-
Qaqortoq	13	26	19	40	13	-	-	-	-	2
Narsaq	-	-	8	3	-	1	-	-	-	-
Paamiut	-	-	-	-	-	-	-	-	-	-
Nuuk	113	90	91	192	161	-	1	-	-	-
Maniitsoq	11	1	-	2	2	-	-	-	-	1
Sisimiut	11	7	25	4	120	3	2	24	-	1
Kangaatsiaq	3	1	1	-	7	-	-	-	-	1
Aasiaat	6	8	4	2	1	-	-	1	-	-
Qasigiannuit	-	-	-	-	-	-	-	-	-	-
Ilulissat	20	23	30	55	5	1	2	2	3	-
Qeqertarsuaq	-	12	-	11	-	-	-	3	-	-
Uummannaq	4	3	2	4	1	-	1	1	2	3
Upemavik	9	2	-	4	3	6	-	4	24	-
Qaanaaq	3	2	-	1	1	-	-	-	-	-
Ammassalik	16	13	14	11	34	2	2	2	11	5
Ittoqqortoormiit	-	-	4	-	-	-	-	-	-	-

Oqaaseqaat: Kisitsisit ukkut siulinilit annikitsumik nikingassuteqalaarsinnaapput, kommunimit paa-sissutissat nutaag peqqutaallutik

Takussutissiaq 3-mi aamma ilusiliaq 2-imi inissiat amerlissutaasut illoqarfinnut nunaqar-finnullu kommunini ataasiakkaani immikkoortitemeqarput. Nunaqarfinni inissianik nutaa-nik sanaartomeq 2004-imiit 2005-imut annikilliararsimavoq, aammalu 2007-imi nuna-qarfinni inissianik sanaartomeq annertuumik qaffariarsimalluni. Illoqarfinni inissianik sanaartomerup annertunersaa Nuummi pisimavoq, tassani 2007-imi inissiat nutaat 192-it sananeqarsimallutik.

Najoqqutarisaq: Kalaallit Nunaanni Naatsorsueqissaartarfik, 2008-imi inissiat pillugit kisitsisitigut paasissutissat

Takuss. 4 Inissiat amerlissutaasut piginnittunut aamma aningaasalersueriaatsinut agguarluqit 2004-2008

Piginnittoq/aningaasalersueriaaseq	2004	2005	2006	2007	2008
Katillugit	232	196	235	381	364
Kommunit pigineqartut, katillugit	45	60	68	67	67
Sulisut	-	6	-	1	-
60/40 immaluunniit 80/20	34	37	62	62	56
Nammineq illuliat	2	3	-	-	-
Misileraalluni sanaartukkat	-	12	-	1	-
Kommunit sanaassaar	7	2	6	2	2
10/40/50 atorlugu	-	-	-	-	9
Paasissutissiissutitaqanngitsaq	2	-	-	1	-
Namminersorlutik Oqartussanit pigineqartut, katillugit	-	-	1	4	73
60/40 immaluunniit 80/20	-	-	-	-	73
Nammineq illuliat	-	-	-	4	-
Paasissutissiissutitaqanngitsaq	-	-	1	-	-
Nammineq pigisat, katillugit	187	138	166	310	224
60/40 immaluunniit 80/20	1	2	-	-	1
BSU	-	-	-	-	1
Pigineqatigiilluni inissiat	93	38	98	81	18
Nammineq illuliat	24	11	12	44	19
Nammineq pigisat	17	5	21	4	3
Misileraalluni sanaartukkat	-	-	-	1	-
10/40/50 atorlugu	52	80	35	179	182
Paasissutissiissutitaqanngitsaq	-	-	-	1	-

Takussutissiaq 4-imi inissiat amerlissutaasut piginnittunut aamma aningaasalersueriaatsinut piffissami 2004-imiit 2008-imut agguataarneqarput. Piffissami tassani inissiat kommunit pigineqartut amerlissutaasut 18 procenteraat, aammalu inissiat nammineq pigineqartut 62 procenteraat sinneruttullu inissiat 20 procentisa missaat Namminersorlutik Oqartussanit pigineqarput

Najoqqutarisaq: Kalaallit Nunaanni Naatsorsueqissaartarfik, 2008-imi inissiat pillugit kisiitsitigut paasissutissat

Apeqquut 2. Nuummi ukiuni kingullerni arfinilinni inissiat sananeqarnissaat neriorsuutigineqarnikuuppat, taakkunanilu qassit suli sanaartortitsinermi aningaasaateqarfimmiippat suli.

Akissut: Apeqqutigineqartumut paasinartumik akissuteqarsinnaannginnama ajuusaarutigaa. Suliassaqarfimmi paatsoorneqarsinnaanngitsunik nalunaarsuisoqarsimannginnera tamatumunnga pissutaavoq.

Apeqquut 3. Naalackersuisut ilisimasaqarpat siornatigut kvm-imut aki appasinnerusoq isumaqatigiissutigineqarsimanersoq, inissiallu sorliit tassani pineqarnersut?

Akissut: Ineqarnermut Naalackersuisutut ilisimatitsissutigisinnaavara, Nuummi taamatullu qaqortumi illunik uiguleriinnik pisinermut atatillugu akinik naammaginantunik angusaqarfiusumik allaffeqarfik isumaqatiginninniarsimammat.

Apeqquut 4. Naalackersuisut isumaqarpat illoqarfinni anginerni kisiat pisortat inissiaataanik najugaqarfissanik nutaaliortoqassasoq?

Akissut: Tamatumunnga akissut naaggaavoq. Ilisimatitsissutigisinnaavara, assersuutigalugu Tasiilami, taamatullu Paamiuni nutarterisoqarmat. Assortugassaann-gitsumilli pissusiviusut tunngavigalugit Nuummi inissaaleqineq annertunerpaavoq.

Apeqquut 5. Init inissiallu qassit Nuup avataani illoqarfinni nunaqarfinnilu pilersinneqarsimappat, sanaartortitsinermilu aningaasaateqarfimmi Nuup avataani illoqarfinnut nunaqarfinnullu aningaasanik illikartitanik peqarpa.

Akissut: Apeqquup 2-p assigaa, taamaattumillu suliassaqarfimmi paatsoorneqarsinnaanngitsunik nalunaarsuisoqarsimanngimmat, apeqquup taanna ajorluartumik akiuminaappoq.

Apeqquup 6. Naluneqanngitsut Naalackersuisuusimasut Qinnngutsinni inissianik 300-unik sanaartortoqarnissaa isumaqatigiissutigalugu atsioqatigiissutigisimavaat, taakkuuppat ineqarnermut Naalackersuisup pisai?

Akissut: Tamatumunnga akissut naaggaavoq. Pingorsuarmi inissiat 300-t taakku Ineqarnermut Naalackersuisuusimasup aammalu Nuup Kommuniani borgmesteriusimasup akornanni isumaqatigiissuteqarnerup inernerai.

Apeqquup 7. Taamaattoqanngippat, inissiat 1000-it iluanni taakku Nuummi napparneqartussanut ukiuni tullerni ilaatinneqarpat?

Akissut: Ilisimatitsissutigisinnaavara, inissialiortiternermut pilersaarummi suliassat maannamuugallartoq imatut aalajangerneqarsimammata: Pisissiani inissiat 84-it, Innartalimmi inissiat 95-it, ilinniartunut inissiat 42-t, Blok P-mut taartissatut inissialiassat 312-t, kiisalu Qapiarfusaami inissiat ilarujussuinik isaterinissaq aammalu inissiat ilassutissaannik 470-it tikillugit sanaartornissaq. Tamatumunnga atatillugu eqqaassavara, Namminersorlutik Oqartussani allaffeqarfiup aamma Kommuneqarfik Sermersuup allaffeqarfiata akornanni unammilligassanut annertuunut taakkununnga aaqqiissutissat suliarineqarnerini qanittumik pitsaasumillu suleqatigiittoqarmat.

Inussiarnersumik inuulluaqqusillunga

Jens B. Frederiksen